



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Caroli Scribani E Societate Iesv Adolescens Prodigvs

Scribanius, Carolus

Monasterii VWestphaliae, M.DC.XXI.

Divo Lvdovico Galliaë Regi Sacrvm.

[urn:nbn:de:hbz:466:1-46252](https://nbn-resolving.org/urn:nbn:de:hbz:466:1-46252)

DIVO LVDOVICO  
GALLIÆ REGI  
SACRVM.

STROPH. I.

O Biectu gemini maris  
Illinc Pyrenes, arduis hinc Alpium  
Præcincta muris, ingenio soli,  
Fluxuq; diues fluminum:  
Fortium turmis equitum verenda,  
Heroum genitrix Gallia, bellicis  
Fœcunda palmis, inclyta Regibus,  
Quos longa serie dedit  
Prisci Capetij genus:  
Vt inter omnes thure Ludouicus  
Cultus & aris  
Celesti radiat vinctus diademate frontem?

ANTISTROPH. I.

Quas dudum mea parturit  
Mens fœta laudes Regis educ optimis  
In lucis oras, Aonij lyra  
Sonora cantus obstetrix.  
An pie primum studium parentis  
Formandi puerum moribus integris,  
Doctaq;

Docta<sup>q</sup> raris Palladis artibus:  
 An celsæ decus indolis  
 Dircais celebrem modis?  
 En blanda prodis Comitæ, Pudor<sup>q</sup>,  
 Lenis & oris  
 Maiestas ac Forma, Decus & Gratia lingua.

## EPOD. I.

Non me tamen moremini,  
 Pleetrum prouocat aureum  
 Pulcrius fulgens teneris ab annis  
 Laus parta bello: iactet infantis manu  
 Alcidis enectos colubros  
 Fictio Græcia plausu.  
 Ut primùm nituit murice regio  
 Heros gloria Sequana,  
 Impuber armis comprimit rebelles.

## STROPH. 2.

At etas vbi firmior  
 Accessit, omnis abstinens culpa, Deo  
 Deuota iungit pectora, dotibus  
 Virtutis auctus; commoda  
 Urbium curat, studiosus equi,  
 Regum delicias spernit, & otium  
 Fontem malorum claudit, & amouet  
 Luxum criminis illi em:

Iustis præmia diuidit,  
 Frausq; pœna corrigit timore.  
 Sic populorum  
 Munit amore latus, non ense aut militis ha-  
 stis.

ANTISTROPH. 2.

Horti pulchra per areas  
 Hinc inde transfert candidum virgo pedem,  
 Qua mira florum pompa recluditur,  
 Seu quos dedit Britannia,  
 Vel Tagi potor, Sporadumve cultor,  
 Mox voluens oculos, vndiq; conspicit,  
 Et hæret anceps quem sibi deligat:  
 Illic floret amaracus,  
 Hic albet breue lilium,  
 Floresq; pandunt aduena decorem,  
 Denique certa  
 Omnibus illa rosa Pæstanum prætulit ostrum.

EPOD. 2.

Florem tibi quem seligam?  
 Te sceptro potior fides,  
 Alme Rex, clarat Themis, & sorores,  
 Pietasq; maius adferunt tibi iubar,  
 Gemmata quàm vestis vel aurum.  
 At que clarior astri  
 Nascentis radiis fulsit, & in tuo

Fulges

Fulget corde, rapit sacra  
 Me luce flagrans charitas canentem.

## STROPH. 3.

Hæc te nectare cælitum  
 Pascit, Deiq; nunc beat præsentia:  
 Hæc vna quondam, dum tuus induit  
 Caduca membra spiritus,  
 Se tibi iunxit comitem, viq;  
 Index, te Superùm cœtibus addidit:  
 Hinc liberali spargis opes manu,  
 Siue altaria construis,  
 Seu sacras reficis domus,  
 Ades vel agris, vel iuuas egenos;  
 Hæc duce bellum  
 Suscipis, & mortis iaculis caput obijcis vltro.

## ANTISTROPH. 3.

Vrbis nam Solymæ vicem  
 Dolens vt impiam opprimas tyrannidem,  
 Pacata regni linquis, & horridis  
 Armis petens Pelusium,  
 Traijcis textis trabibus phalanges,  
 Quà septemgemino cerula flumine  
 Nilus colorat: mœnia vix quatis  
 Arcis, cùm subitus fores  
 Recludit pauor hostium:

Mox

Mox victor agmen militum patentes  
 Ducis in agros,  
 Hostilesq; acies geminata clade trucidas.

## EPOD. 3.

Spes sæpè quò propinquior  
 Arridet, celeri fugâ  
 Exitus cœptis adimit secundos:  
 Inuadit, eheu! te lues, & Celticas  
 Insesta vis morbi, famesq;  
 Vexat dira cohortes:  
 Illinc flumen aquis, hosticus hinc furor  
 Denso circuit agmine.  
 Pugnatur: atrox fœdat arua cades.

## STROPH. 4.

Victum gloria non minor  
 Te sequitur, heros magne, quàm cum vinceres,  
 Constans recusas Martis ab alea  
 Lembo per amnem subtrahi:  
 Vna nos omnes eademq; pugna  
 Sors, inquis, maneat: Vos ego deseram?  
 Regemq; vestrum me fuga polluet?  
 Captiuo tibi quas minas,  
 Quæve opprobria barbarus  
 Infert tyrannus? seua quot tuorum  
 Funera cernis?  
 Tu tamē immotus Christo spem ponis in vno.

ANTI-

## ANTISTROPH. 4.

Nutantes animos, fide  
 Firmas, iacentes erigis. Quid, ais, cadit  
 Spes vestra? curas pellite lugubres:  
 Probat Deus quos diligit;  
 Hos & educit memor è periculis,  
 Olim quæ populus pertulit Israël?  
 Hæc ipsa tellus testis. ad inuium  
 Rubri dum pelagi fretum  
 Urgebat Pharaos ferox  
 Equis & armis, obsequens repente  
 Scinditur equor,  
 Erectisq; vage lapidescunt mœnibus vnda.

## EPOD. 4.

Electa siccis transilit  
 Gens plantis, mare sæuiens  
 Defluit rursus, rapit insecutum  
 Ducem procellis, & quadrigas obruit.  
 Sic fatus haud ex spes tueris  
 Flexo poplite calum.  
 Lux ô Christiadum maxima Principum,  
 Heros inclyte, qui tui  
 Æquent honorem carceris, triumphis?